

景祐太乙福應經

景祐太乙福應經序

太極之星赤而明者曰太乙其佐乃五帝其神實首九宮者天子居  
南之郊春秋必祭黃帝始著神曆之法漢武帝乃置甘泉之祠畫北  
斗於杜荆衣祝宰於繡服自此建靈旗而指代國奉璫玉而見雲陽  
由是太乙之神遂以爲兵禱方士之說其書乃以象垂于天非衆星  
之可比福生於國蓋歷代之攸傳若夫所臨之邦稱爲祥曜所祈之  
報信如元龜興善於人其應猶嚮萬秩惟大百王共尊朕紹于宸苗  
聞斯至治凡所爲政必奉于天治國安民未嘗離道况爲元皇之所  
使降鑒于紫宮之居積有疊疊之祥懋紀昭昭之鑒求之類集散在  
遺編究其指歸頗有繁蕪畧風捕影未易爲功然懋爲功多見其怠  
朕將親鑑亦應難用因命太子洗馬兼司天春正官權同判監楊維  
德春正王玄翰林天文李自立何湛等於資善堂撰集遣入內侍省

東頭供奉官勾當御藥院任承亮鄧保信皇甫維和同楊維德等總  
其功程其事數月書成乃以請衆言太乙者別爲一集凡十卷因命  
曰景祐太乙福應要馬今且與古者班固藝文所紀太乙之說凡有  
百家曰太乙兵法曰太乙雜占曰太乙雲雨曰太乙陰陽曰太乙凡  
此數名其篇皆逸今之錄惟自黃帝太乙式後所存無幾然所編之  
集其始紀于上元分其四計其中明君基臣基民基之位大遊小遊  
之名九州十二次之災祥三年十二年之考治其具分部類著之編  
聯其末則風霜雨雪之不時兵革飢饉之所繫歲時宗所營之法禮  
禋之科行師出軍指方辨位叢出乎內無所不該至於陽九百六之  
言亦盡窮神深妙之要垂爲天法以觀方來昔古者黃帝堯舜通其  
變使民不倦神而化之使民宜之是以自天祐之吉無不利今之茲  
集鈎深致遠顯微闡幽可以決天下之疑成天下之務君萬國者可

不尚歟機政之余因序于簡首

朝義大夫太子洗馬魚春官正權判監魚提點厝書柱國賜紫金  
魚袋臣楊維德奉

聖旨撰集

[illegible]

太乙福應經目錄

一卷

推太乙橫年

推太乙四計總法

推太歲所在

推太乙歲計入紀入局

推歲計行宮

推天目所在

推計神所在

推月計入紀入局

推月計太乙所在

推天正冬至日辰

推天正經朔日辰

推日計太乙

推日計太乙所在

推二至氣應加時

推冬至陽遁時計入紀局

推冬至陽遁時計太乙所在

推夏至陰遁時計入紀局

推夏至陰遁時計太乙所在

推二遁天目

推計神入局

推歲計八門

推二通時計八門

二卷

釋太乙所主

釋五將所主

釋計神所主

釋九宮所主

釋八門所主

釋十六神所主

釋太乙式儀

釋太乙運式

釋太乙用式不同

釋紀年法

釋陰陽和與不和

三卷

釋掩

釋擊

釋迫

釋囚

釋關

釋格

釋對

釋四郭固

釋郭杜

釋執提

四卷

釋三門具不具

釋五將發不發

釋主客相關

釋主客

釋出師畧地

釋陳兵向背

釋置陣隨地

釋隨地形制變

釋太乙在天外地內宮

釋太乙風雲飛鳥置戰

釋奇伏

五卷

君基太乙

臣基太乙

民基太乙

五福太乙



大遊太乙

小遊太乙

大遊天目

四神太乙

天乙太乙

地乙太乙

直符太乙

六卷

太乙七術總序

臨津問道

獅子反擲

白雲捲空

猛虎相拒

雷公入水

白龍得雲

回車無言

釋三才以占天地人

釋長短以占緩急

釋五音以占災變

釋孤單以占主客成敗

釋内外以占攻擊

釋數多少以占勝負

釋陰陽以占厄會

釋所主以占吉凶

七卷

十精太乙積年

地符太乙

天時太乙

飛鳥太乙

天尊太乙

五行太乙

八風太乙

五風太乙

三風太乙

太乙數

推候十精太乙雲氣

推太乙陽九之災

推太乙有百六之厄

八卷

十二分野

九卷

釋敵國動靜

釋敵信虛實

釋敵國有無間謀

釋敵果方向

釋太乙出兵

釋始肇臨二十八宿

釋太乙上下二目與太陰相併

釋太乙與太歲格

十卷

占天子巡狩

占郡國舉賢良

太乙擇日

太乙擇時

占歲中災發

占歲域名厄會

飛行四殺

占九域名三宮附

占見聞虛實

占望遠人并賊果否

占繫囚

占訪人請謁求索

占捕捉叛亡

占雜事

目錄終

卷之四

七

景祐太乙福應經卷之一

推太乙積年第一

演紀上元甲子距今大宋景祐元年甲戌歲積得一千空百零一十五萬四千九百五十算

自上古上元甲子距今大明弘治十七年甲子總計一千空百一十五萬五千四百二十算

又積至太元泰定元年甲子積得一千空百一十五萬五千二百四十算至此以三百六十除之殆盡惟存一算此後之數即以泰定元年甲子為上元矣

今積至大明弘治十七年甲子得一百八十算將來每歲加一算若考上古每歲減一算演紀上古上元甲子歲天正十一月經朔日辰前夜半冬至群數皆同月日時太乙皆該上元第一紀故為演紀之

數也

推太乙四計總法第二

以三百六十除之為太乙週法不盡者入五子元小周七十二除之  
第一元甲子第二元丙子第三元戊子第四元庚子第五元壬子每  
一元七十二年五元共計三百六十年

紀法六十歲實三百八十三萬五千四十六分零二十五秒歲餘五  
萬五千零六十八分

日法一萬零五百分 朔實三十萬零七十一分五十二秒六十五  
微 朔策二十九日五千五百七十一分二十四秒 氣策一十五  
日二千二百九十四分半 辰法八百七十五分 半時辰法四百  
三十七分半 刻法一百零五分

推太歲所在第三

置所求積年以紀法六十去之不盡命起甲子算外即得太歲所在之辰

推太乙歲計入紀法及入局第四

置演紀上元甲子距今所求積年以周紀法三百六十去之不盡為紀餘以紀法六十除之為紀數不滿為入紀以來年數其紀數命第一算外即得太乙入紀年數又置周紀餘以元法七十二去之為元數不盡算外即得入局數也

推歲計太乙行宮第五

置所求之年入局之數以太乙小周法二十四去之不盡三約之為宮數不滿為入宮以來年數其宮數命起一宮順行八宮不入中五算外即得太乙所在之宮也其年數亦以算外命之即見年數

推天目所在歲月日陽逾第六



置所求之年入局之數以周法一十八去之不滿者命起武德順行十六神遇陰德大武重留一算外即得天目所在也

推計神所在第七

置所求之年太乙入局之數以計周法十二去之不盡者命起於寅逆行十二辰算外即得計神所在也

已前推歲計

推月計太乙入紀入局第八

置所求積年十二乘之為所求其年天正十一月為積月也乃加入所求月數即得所求之積月也太乙周紀法三百六十除之不盡入五子元法也七十二除之算外即得所求之得月入局數也

推月計太乙所在第九

置所求月計入局之數以太乙小周法二十四去之不盡以三約之為宮數不滿為入宮命起一宮順行八宮不避中五算外即得月計

太乙所在入宮與歲計同例假令入宮月數二即為入宮第二月也

推天正冬至日辰第十

置距所求積年以歲實乘之為其年天正冬至氣積分滿月法一萬  
五百除之為積日不滿為小餘以其積日滿紀法六十去之不盡為  
大餘命起甲子算外即得所求年天正冬至日辰及小餘者求次氣  
以氣策十五日小餘二千二百九十四分半加之小餘滿日法去之  
後大餘滿紀法去之命起甲子算外即得次氣日辰者若起求夏至  
日辰者置天正冬至日辰及小餘加一百八十二日小餘六千五百  
三十四分小餘滿日去之後為日即夏至積日及小餘者命起日辰  
者依上法即得也

推天正十一月經朔日辰第十一

置天正冬至氣積分滿朔實去之不盡為閏餘復布冬至氣積分減

餘之數為其年天正十一月經朔積分滿日法一萬五百除之為日不滿為小餘積日滿紀法六十去之不盡命起甲子算外即得所求年天正十一月經朔日辰及小餘若更求他日者以所求日數加之積日若有進者今日辰為定也

推日計太乙第十二

置所求積日以太乙周紀法三百六十去之不盡為周紀餘滿紀法六十除之所得紀數不滿為入紀以來日數命起第一算外即得入紀之數也又置周紀餘滿元法七十二除之不盡為入元局之數也

推日計太乙所在第十三

置所求日入元局數以太乙小周法二十四去之不盡以三約之為宮數不滿為入宮之日命起一宮順行八宮算外即得太乙所在之宮也例與歲月同

推冬夏二至氣應加時第十四

置冬夏二至日小餘加半辰法四百三十七分半乃以辰法八百七十五除之為辰數不滿以刻法一百五分除之辰其數又不滿為分滿刻法命起子初算外即得所入辰刻及分若求諸氣加時准此

推冬至後陽遁時計太乙入紀局第十五

置所求積日以十二乘之即所求日辰前前夜子時之積時也又以所求時數加之以太乙周紀法三百六十去之不盡為周紀餘滿紀法六十除之不滿為入紀以來時數其紀數命起第一紀算外即得入紀數除了紀法再下周紀餘算却以七十二除之看其零數又用周紀餘滿元法七十二除之去不盡入元局

推冬至後陽遁時計太乙所在第十六

置所時求入局之數以太乙小周法二十四去之不盡以三約之為

宮數不滿為入宮以來時數其宮數命起一宮順行八宮算外即得其時計太乙所在之宮也

推夏至陰遁時計太乙入紀局第十七

置夏至加時積日及小餘加一百八十二日小餘六千五百三十四小餘滿日法從日積夏至加時積日及小餘乃加入所求入命起定日辰為所求時日積以十二乘之又加入所求之時為所求之時為所求時數積滿周紀法三百六十除之不盡又六十除之不滿者入紀以來時數其紀數命第一紀算外即得入紀數又置周紀餘滿元法七十二除之不盡入局

推夏至後陰遁時計太乙所在第十八

置所求時入局之數以太乙小周法二十四去之不盡以三約之為宮時數其宮數命起九宮逆行八宮不遊中五算外即得時計太乙

所在宮數及時數也

推二遁天目第十九

陽遁天目用入局法以十八除之不盡命起武德順行至陰德大武重留一算外即得天目所在也

陰遁天目置入局數以十八除之不滿命起呂申順行遇大貝和德重留一算外即得天目所在也

推計神入局法第二十

求計神用入局數以十二除之不滿命起武德逆行十二辰算外即得陰遁計神所在也

子年起中

又入局之數以十二除之不滿命起呂申逆行十二辰算外即得陽遁計神所在也

推太乙歲計八門二十一

置上元甲子距所求積年以八門周法二百四十去之不滿者以三十約之為直門數不盡即直門所求入之年命起開順行算外即得直使之門所在也

月日時計並准此例

假令宋乾德二年甲子歲太乙第一紀即開門直事滿三十年至淳化五年甲子即休門為直使又三十年至天聖二年甲子即生門為直事又三十年至至和元年甲午即傷門為直事又三十年至元豐七年甲子即杜門為直事餘皆倣此

歲月日時同

推陰陽二遁時計八門第二十二

陽遁四門開生驚休

陰遁四門杜死傷景

以冬夏二至時計積實以一百二十去之不盡以三十約之不滿命起開門即加時所入直門也

太乙福應經卷之一終

太乙福應經卷之二

釋太乙所主第二十三

傳曰太乙者天地之神也主使十六神知風雨水旱兵革飢饉疾疫之害國也常考治下土之事順行八宮三年一移第一年司天齊日月星辰使七曜無差其度自明天道所臨之分承天道則獲治天之年考第二年司地調四氣八風使雨雪不愆其候以明地道所臨之分勿與土木之工人民稼穡咸順乃獲治地之考第三人司人治無道之國矣禮之君持干戈恣侵伐則兵喪水旱飢饉流亡以行其罰若守道安民戢兵禁暴五星不愆其度四民無失其業故經云太乙所臨之地有道則昌無道則殃樂產曰能使日月無光五星流移舊字出見山崩地震川涸河竭大凶之兆也

釋五將所主第二十四



五將者謂太乙監將上下二目主客二將也監將者人君之象東方  
歲星之精受木德之正氣王在春三月下目者南方熒惑之精受火  
德之正氣在天為陽名始擊將屬客上將王在一三月也上目者中  
宮鎮星之精受土德之正氣在地為陰名文昌將屬主上將王在四  
季客大將者北方辰精之精受水德之正氣主兵革之事王在冬三  
月也主大將者西方太白之精受金德之正氣主戰鬪之事王在秋  
三月也五將各按五方隨四時休王經曰主客兩軍相當乘生氣者  
勝乘死氣者敗

假令秋八月攻東方以大族為始擊必大勝謂乘生王之氣故也  
若以高叢為始擊必主大敗謂乘死氣故也

釋計神所主第二十五

歲計者歲星之使也謂計歲月日時之事也故聖人則而象之創法

而制局太乙爲人居二目法輔相二將定主客八門分勝負運沉機  
於樽俎之間施宏畧於帷幄之內蓋王佐之要道也

釋九宮所主第二十六

昔燧人氏仰觀北極以定方名庖犧氏因畫八卦黃帝受命使大撓  
造甲子容成造曆數八卦九宮之旨於此興焉九宮之蘊奧機法以  
托靈龜二四爲肩六八爲足左三右七戴九履一此萬代不易之道  
矣黃帝又命風后爲太乙式九宮皆蹉一位自晉以前莫詳所理惟  
郭璞曜靈經云地缺東南宮數多者不出於九故蹉九以鎮之樂產  
曰太乙寄理以明人事以知未來王使得一天下正所以蹉一宮以  
就乾位王希明曰太乙統人事以知未來之道故聖人特蹉一位以  
明先知之意也

一宮在乾主并冀二州文昌將關囚有迫賜居父之象

二宮在離主荊州太乙臨之君誅將相

三宮在艮主青州始擊臨之嬖寵進入中宮兵起

四宮在震主徐州始擊臨之西戎來侵

六宮在兌主雍州客大將臨之南楚來侵

七宮在坤主梁州益州主大將臨之二州兵起

八宮在坎主兗州太乙臨之大臣誅

九宮在巽主揚州客大將臨之北狄來侵

張良曰八三四九為陽宮二七六一為陰宮一為絕陽九為絕陰凡五月一陰生至戌月單陰至亥純陰在一宮之地故曰絕陽十一月陽生至辰月單陽已月純陽在九宮之地故曰絕陰九四六為絕氣四卯六酉乃春分秋分陰陽分別之初故曰絕氣二八為易氣二午八子乃冬至夏至陰陽交易之始故曰易氣九至陰陽易絕之氣舉

事皆玄

釋八門所主第二十七

玄女曰天有八門以通八風地有八方以應八卦綱紀四時以明萬物開門直乾位在西北主門向通泰休門直坎位在正北主休息安居生門直艮位在東北主生育萬物傷門直震位在正東主疾病災殃杜門直巽位在東南主閉塞不通景門直離位在正南主鬼怪之遺死門直坤位在西南主喪亡埋塋驚門直兌位在正西主驚恐奔走開休生三門大吉景門次吉死杜二門大凶驚傷二門小凶八節八門各主旺四十五日遇王戰大利不王凶

釋十六神所在第二十八

爾雅云四時為玉燭律曆誌曰天極運十二辰五星為上元氣轉三統五行歌曰先論主客數多少次看陰陽和不和十六之神心上了

乾坤方寸盡包羅

子神地主子月陽氣初動萬物在下故曰地主丑神陽德丑月二陽用事育布萬物故曰陽德艮神和德冬春始交陰陽氣和萬物群生故曰和德寅神呂申寅月陽氣開泰萬物中折故曰呂申卯神高叢卯月萬物皆出自地叢生故曰高叢辰神太陽辰月雷出震蟄陽氣大盛故曰太陽巽神大炁春夏將交盛暑方亨陽火炎酷故曰大炁巳神大神巳月少陰用事陰陽不測故曰大神午神大威午月陽謝陰生刑暴始行故曰大威未神天道未月火能生土王于未方故曰天道坤神大武夏秋將交陰氣施令殺伐萬物故曰大武申神武德申月萬物育死蕎麥將生故曰武德酉神大簇酉月萬物皆成大有呂族故曰大簇戌神陰主戌月陽氣不戰陰氣用事故曰陰主乾神陰德秋冬將交陰前生陽大有其德故曰陰德亥神大義亥月萬物

得性而辟陰盡焉故曰大義

釋太乙式儀第二十九

昔黃帝受命龍馬負圖而出河因体其象而制太乙式體有三重上青法天下黃法地中赤象人天地人三才備矣天有十二辰地有十二支四維八門九宮十六神咸有象焉

太乙運式法第三十

經曰運式之法其人八焉

第一詳太歲所在欲求計神合神故先詳之

第二詳太乙所在之宮以立監將

第三詳何神為天目以置文昌始擊諸將

第四詳何神為計神以求客目

第五詳計神加和德

謂良為鬼門方求幽冥吉也

第六詳天地二目各在何所以求主客之算

第七詳置算之數以定主客大將之官

第八詳主客置算得十一則置一得三十則置三若得十四則置四若得十六則置六若得三十四則弃三十而置四餘皆倣此若以天目所在宮行算天目在正宮則以正宮數行算若在間辰只准一辰而算之皆至太乙宮前而止因而叅之為叅將

釋太乙用式不同法第三十一

禮別尊卑易辨貴賤臣行君道則政悖子行父道則義乖故用式之逆順事各不同洪範傳曰洪者大也範者法也言天道之大法也經曰王省惟歲註云王所有職兼統群吏如歲兼四時卿士惟月卿士各有所掌如月之有別也師尹惟日衆官部吏分治其職如月之有日也

歲月日時無易各處其常故王用歲計卿士用月計師尹用日計故時通上下上至天子下至庶士皆用之

釋帝紀年法第三十二

帝王紀者自上元甲子以來歷代綿邈歲月差殊雖設繁文却備而庸用臣等今將曆數比較元紀叙陳乃定斯文以著局法謹錄進覽自漢武帝元狩六年甲子為始開具于后

元晉王泰定元年甲子入一紀柱門至正甲午景門

大明洪武十七年甲子入二紀死門永樂甲午驚門

正統九年甲子入三紀開門成化十年甲午休門

弘治十七年甲子入四紀生門嘉靖十三年甲午傷門

釋陰陽和與不和第三十三

張良曰陰陽和與不和者謂太乙上下二目算數相配天目正宮為



陽辰為陰立陽算得奇為重陽立陰算得偶為重陰皆不和上目臨  
正宮算得奇為重陽下目臨間辰算得偶為重陰若在陽算得偶在  
陰算得奇皆為和和則吉不和則凶若算得十一十三十七十九三  
十一三十三三十九者為陽數自臨為重陽若得二十二二十四二  
十六二十八為陰數自臨為重陰皆為不和

太乙在陽宮算得奇為重陽之數八三四九為陽宮若太乙在陰宮  
算得為偶重陰之數二七六一為陰宮皆不和也若太乙在陽奇宮  
算數得陰偶者為陰陽和太乙在陰偶宮算數得陽奇者為和也王  
希明曰三九寅辰為純陽四八己丑為雜陽二六亥未為純陰一七  
申午為雜陰三十三三十九為純陽二十六二十二為純陰二十四  
二十八為雜重陰三十九三十一三十七為雜重陽十一十七為  
陰中重陽二十八為陽中重陰若太乙天目在陽位算得純陽在

陰位算得純陰皆為大凶在絕者尤甚太乙天目在陽宮算得雜重  
陽在陰位算得雜重陰則内外有謀在絕者尤甚太乙天目在陰位  
算得陰中重陽内有謀在陽位算得陽中重陰外有謀算得十四十  
八為上和二十三二十九三十二為次和二十六十八三十四三  
十八為下和若太乙天目立陰陽位而算得陽多者為利客陰多者  
為利主項考氣之淺深以明勝負自漢武帝元狩六元上元甲子至  
政和八年戊戌積一千二百九十六年

福應經卷之二終

福應經卷之三

釋掩第三十四

經曰掩者為始擊將臨太乙宮也歲計遇之則王綱失序臣弑君弱國破家亡襲劫之患宜修德禳之蓋掩又為劫殺之義若掩太乙在陽絕之地大凶在陰絕之地臣誅掩主大將主敗算和吉不和凶若叅將算和宜叅將出之稍利若掩主叅將小將凶不可出矣

唐昭宗天復二年壬戌太乙在壬子元十一局四宮高叢為天目主算得四主大將四宮主叅將二宮辰為計神始擊將臨陽德客算軍四客大將四宮客叅將二宮是年昭宗駕遁鳳翔李茂真為中尉與韓全誨等善各有挾天子令諸侯之意四月梁王遣將朱文寧以大軍屯于興平峻為寨周圍圓困十一月城中食盡茂真出戰為其所敗求和六月朱全忠自河中率兵五萬圍鳳翔十二

月鄭州獲同逆妻子周彝即兵降是時和寧坊皆為朱全忠所有此局主目因客目掩太乙全忠獲捷之應也

釋擊第三十五

經曰太乙所在宮客目在左為前擊左右為後擊在太乙前一宮為外擊後一宮為內擊其擊者凌搏擊刺下凌上替之謂也歲計遇擊人君將相忌之王希明曰太乙如近始擊總名為擊在天乙宮前為前擊宮後為後擊後為內擊主在內廢戮占在同姓近臣后妃公族之類前為外擊占在外臣諸侯侵凌在辰為急在宮為緩算計陰陽和絕有無以明勝負

唐莊宗同光元年癸未太乙六紀在壬子元三十二局三宮大神為天目主算二十五主大小將杜審無門未作計神始擊臨地主客算八客大將八宮恭將四宮是年梁王先出軍帝親自渡河北

攻中都梁師大敗大將王彥璋授擒十月梁均帝自殺盡滅宗族  
緣此局主算杜塞客目內擊太乙故不利有為而梁王敗亡之應  
也

釋迫第三十六

經曰迫者前為外迫後為內迫九二目大小四將在太乙左右者皆  
為迫也王希明曰下目無迫義惟上目有之宮迫災變辰迫災急歲  
計遇迫人君惡之前一宮為外宮迫後一宮為內迫

唐哀帝天祐二年乙丑太乙在壬子元十四局六宮大神為天目  
算得十主大將在一宮叅將三宮丑為計神大威為始擊客算單  
九客大將在九宮叅將七宮是歲梁王朱全忠將唐丞相三省  
官誅殺殆盡此局太乙主大外宮迫雖助客計和其大將外宮迫  
太乙故唐丞相以下被害應也

釋囚第三十七

經曰囚者為篡戮之義也凡文昌及主客大小四將與太乙同宮者  
總名曰囚若在易絕之地大山若在絕陰絕陽之地自敗若諸將與  
太乙同宮或近將自謀在同類故曰謀在內算和者成不和謀不成  
梁末隆德二年壬午太乙六紀入壬子元三十一局太乙三宮大  
炁為天目主算三十三主大將在三宮參將九宮申為計神始擊  
臨陰主客算單十客大將一宮參將三宮是歲正月戴思遠襲魏  
晉王方鎮州思遠乘虛襲陷城安而還遂急遣將乘勝攻北城二  
月晉王兵至解而自退  
此局主大將客參將囚在太乙宮算雖長而不和故戴雖陷城塞  
無功而自退之應矣

釋關第三十八

經曰關者主客大小四將目宮同數齊焉關王希明曰關之為義係將相自忌之患事不及於人君

唐文宗太和四年庚戌太乙入庚子元十一局太乙在四宮高叢為天目主算單四主大將四宮叢將二宮其客算單四客大將與主大將同宮叢將亦同其年二月興元軍亂節度使李絳詔發兵救之兵至蠻退而還詔悉罷之絳詔募兵論以詔旨給賜廩麥而遣之皆快快而退監軍楊叔元素惡絳不恭以賜廩物薄激之衆怒大譟掠庫逆使牙絳方與廣僚會宴吏報曰募兵亂請避之絳曰吾為師將豈可逃去麾推官趙存約令去存約曰存約受明公知何由苟免牙將王景延戰絳存約等皆遇害叔元奏絳收新軍募直以致亂三省上疏共論絳冤及叔元激怒亂兵之罪上始悟命鎮興元討之



此局主客數齊大小將互相為關故絳為兵所害

釋格第三十九

經曰二目大小將與太乙對宮為格言政事上下格革若在易絕之地必敗歲計遇格不利有為所謂格者易之義也若格太乙盜侮其君之象主客算不和者敗

唐宣宗大中十二年戊寅太乙入庚子元三十九局太乙在六宮陰主為天目主算三十五主大小將杜塞無門客算三十四客大將四宮格叅將二宮其年南蠻攻安府南將都護李璣侵劫引蠻為寇八月洪州賊攻宣州詔西折兵平之

此局主人杜塞無門客大將格太乙不利先舉攻蠻寇與洪州賊俱敗應之

釋對第四十

二目與太乙冲而相當者為對若下目相對之時皆為大臣懷二心  
君逐忠良將吏奸回下臣欺誑

唐閔宗天福五年庚子入壬子元四十九局太乙在一宮大炁為  
目主筭二十四主大將四宮發叅將二宮寅為計神始擊臨太陽  
客筭二十五大小將杜塞無門其年門安州刺史李金全叛舉兵  
收江南唐王李家格逆之應

此局主目對太乙客計杜絕故金全叛而喪亡應也

### 釋四郭固第四十一

經曰郭固者文昌因太乙宮大將叅將俱關或始擊臨之為四固郭  
也或云主人郭者宜固守待敵為勝不利先舉四固者四執之固也  
歲計遇之皆主有篡廢執固之禍人君宜脩德以禳之

唐僖宗乾符四年丁酉太乙入庚子元五十八局太乙在四宮陰

德為天目主第十二主大將二宮叅將六宮始擊臨天道第  
十六客大將六宮格叅將八宮其年宛句賊黃巢聚眾萬餘攻陷鄆  
州逐節度使薛宗七月巢自海濟趨隸隋蔡入查茅山與王仙芝  
合攻陷隋州

此局客大將與主叅將同宮為四郭固太乙在四宮內助主安居  
之世利先舉故巢乘勝攻陷城邑諸處州郡卒不能制之應

釋郭杜第四十二

經曰四郭杜者客叅將與文昌併或主叅將與客大將併也兼之掩  
迫關格出兵皆為閑杜不通諸事不成歲遇之必凶

後梁末帝貞明四年戊寅太乙入壬子元二十七日局太乙在一宮  
和德為天目主第三十一主大將一宮囚主叅將在三宮商巢為  
始擊客第二十八客大將八宮客叅將四宮是年正月晉師掠梁

漢鄆而還二月遣王彥璋率衆數萬追楊劉晉人授我軍不利而退八月晉師攻楊劉口決河水以陷晉兵溺漫數里晉王與諸將曰梁君非有戰意但欲阻水以老我師當涉水攻之遂引親軍先涉諸兵隨之寨甲橫鎗結陣而進彥璋拒之稍却鼓譟復進梁兵大勝晉人遂陷瀕河四寨

此局客大將被主將挾為四郭杜也曰主人挾客客敗故曰陳兵原野先動者為客晉人不應先動而終被圍迫之患應也

### 釋執提第四十三

經曰執提者謂太乙與開生二門合冲不利名為執提格歲計遇之不可舉事

假令開門為直事不可與開門冲合生門為直事不可與生門冲合

梁太祖乾化二年壬申太乙入壬子元二十一局太乙在八宮陰  
主為天目主算單二主大將二宮格叅將六宮午為計神始擊將  
臨大神客算十七客大將在七宮叅將一宮是歲閏月帝疾大漸  
召親王近戚至御榻前各賜以金玉帶曰我三十年經營王業不  
意太原餘孽禍厥如此吾觀其志不小矣使我短命我死後諸兒  
咸非彼敵也異吾黨所葬矣六月戊寅梁鄴等殺其主晃于寢而  
自立

此局主大將格死門為直使太乙歲計遇之不可舉事其臣殺君  
終至滅亡之應也

太乙福應經卷之四

釋三門具不具第四十四

經曰三門者開休生三門是也若太乙天目在開生二門之下為二門不具若在休門之下為三門不具歲計遇之在三吉門下者大吉景門小吉若死驚杜傷門下者皆凶

置演紀上元甲子距今所求積年與小遊同每三十年一易二百四十年一周故以二百四十除之不盡以三十約之直使門算外即得置得五門所直之年命起開門次休門順行週而復始

假令上元甲子開門為直使至三十年即休門為直使餘倣此

凡甲子自甲子至甲午或甲午至甲子即換直使年月日時皆同歲計三十年月計三十日計三十日時計三十時但逢甲子甲午為換期

釋五將發不發第四十五

經曰五將發不發者謂始擊無掩擊文昌無因迫大小將不相關則將發者三門具其五將自然相會也三門不具不可出兵五將不發不可強戰

釋主客相關第四十六

古者言太乙有主客相關者一林二虎一淵二蛇而喻蓋取勢無兩立物無雙存之義大抵與敵相遇事不獲已當看客關得主則客勝主人關得客則主勝皆用日計二目納音以決之所謂關者取五行能相制之道也

假令高叢為地目木神也大族為天目金神也金能制木此為客關得主利以為客客勝也

假令陰主為地目土神也地主為天目水神也土能制水此為主

人間客利以為主主勝也

釋主客第四十七

經曰主客者先後之禮動靜之義也古經云陳兵原野旗鼓相望先起者為客後動者為主安居之世先舉者為主後應者為客若客得三門具五將發陰陽和則和興兵所向必克先起者勝後起者負若三門不具五將不發陰陽不和不利舉兵和以固守為吉欲知主客出入者東出以陰德南出以和德西出以大炁北出以大武為始發之方以定主客所起歸之神也欲知主人視其主目所算之數決之欲知客亦視其客目所算之數決之

唐昭宗乾寧二年丙辰太乙入庚子元五局太乙在二宮陰德為主目主算二十五大小將柱塞無門始擊臨呂申客算十四大將四宮參將二宮是年鳳翔李茂真以軍逼京師車駕幸華州上令



單逼王正統安聖捧聖保寧安化禦之接武不利上將幸太原至  
渭北韓建奉表請駐蹕華州不許既而復憚遠適至富平亦遣人  
召建面議去留建言今藩臣逆命非止茂真陛下若遠巡遼鄙恐  
不復還今華州兵力雖微亦足自固而距長安不遠願陛下臨此  
以圖興復上乃從之至華州茂真入長安燔燒俱盡  
此局主人門杜塞宜固守太乙助客客之門具將發利于外故茂  
真勝昭宗蒙塵之患也

釋出師畧地第四十八

經曰行師必出其門畧地并用其二兵法曰行軍雖出畧地安置屯  
軍者算十二三十二門具將發乃可行兵故曰畧地并用其  
二出其門者開休生三吉之門也

唐僖宗乾符四年丁酉太乙在庚子元五十八局太乙四宮陰德

天目主算十二大將二宮參將六宮始擊臨天道客算二十六  
大將六宮參將八宮是年寇句黃巢聚眾攻陷邳州殺節度使七月  
巢自海濟趨潁入查牙山與王仙芝攻陷隋州

此局主算十二安居之世先動者為主巢先舉兵故勝攻陷城邑  
州郡莫能制之

釋陳兵向背第四十九

古法曰陳兵必出其鄉謂陳兵之時數有向背如算得一兵出西北  
算得二兵出正南算得三兵出東北算得四兵出正東算得六兵出  
正西算得七兵出西南算得八兵出正北算得九兵出東南所謂兵  
出其鄉蓋取出門宜向之義也

釋置陣隨地第五十

古法曰置陣之法水曲火銳木直金方土圓皆取主客置陣之次五

行相制即取其勝負殊不知置陣之法取其地形而置之若後高前低宜為銳陣利以進戰以潰敵也若前高後低不宜進兵利以近開宜直陣而守之以疲敵也若地形跨斜不便為戰宜置圓陣堅固守之若地形高而不平利於四向宜置方陣以便開戰也左右勢高崗宜曲陣以吞敵也若地順其鄉則益吉地反其鄉則居而順地今茲太乙兵起于鄉陳生于地觀方制變皆算稱神此蓋用兵之神道也

### 釋隨地形制變第五十一

晁錯曰用兵臨戰合刃之急者三一曰得地形二曰卒習服三曰利器用兵法曰五丈之溝漸車之水山林積石經川丘阜草木所在此步兵之地也車騎二不當一上山丘陵曼衍相屬平原廣野此車騎之地也步兵十不當一平陵相遠川谷居間仰高臨下此弓弩之地也短兵百不當一兩陳相近平地淺草可前可後此長戟之地也劍楯

三不當一在葦竹蕭草木蒙籠伎葉茂接此矛鋌之地也長戟二不當一曲道相伏險阻相薄此劍楯之地也弓弩三不當一士不選練卒不習眠起居不精動靜不集趨利弗及避難不早前擊後解與金鼓之音相失此不習眠之過也百不當十兵不完利與空手同甲不堅密與袒裊同弩不及遠與短兵同射不能中與亡矢同中不能入與亡鏃同此將不省兵之禍也五不當一故兵法曰器械不利以其卒予敵也卒不可用以其將予敵也將不知兵以其主予敵也君不擇將以其國予敵也此四者兵之至要

釋太乙在天外地內宮第五十二

要知天外與地內八卦宮中定有例九二七六天外看一八三四為地內內助主弓外助客門具將發大吉利

古法曰太乙在一八三四宮為地內宮助主太乙在九二七六宮為

天外宮助客若助主之時不可攻城對陣助客之時正宜對陣不可  
後起主當固守助主正欲對戰則不可先起則客固守故曰欲為客  
待太乙居天外之時欲為主待太乙居地內之時又須門具將發則  
決勝萬全

釋太乙風雲飛鳥置戰第五十三

經曰戰鬪之法須當觀風雲之勢察飛鳥之情若太乙宮有風雲飛  
鳥來冲格迫擊太乙者大敗若迫擊客大將宮者客敗若迫擊主將  
宮者主敗若從主人刑上來者主人敗若從客刑上來者客敗若從  
主目上去擊客大將宮者客敗若從客目上去擊主大將宮者主人  
敗若有風雲飛鳥從太歲太陰月建上來擊主人陣則主敗擊客陣  
則客敗若有風雲飛鳥來翼主人陣前則主人勝來翼客陣前則客  
勝若其日有回旋風起飛鳥旋轉於陣上或旗竿折大敗之兆若衆

爲異噪弄風雲冲陣而來出冲主人陣主敗冲客陣客敗

釋奇伏第五十四

經曰能識奇伏轉禍爲福此奇兵之義也奇兵之術以三爲法若百人以三十人爲奇兵千人以三百人萬人以三千人随地伏形不常守也

古云奇兵必從大殺之地其地居高去敵三五里則鼓噪而發伏也天目所臨之下即大殺也

經曰伏藏隱跡必居其一謂伏藏必算得十一二十一三十一之時伏于山林溝壑之間人所不見又曰伏兵必用掩迫之時

假令太乙在六宮必用申酉戌時勝也是欲伏兵待敵掩襲者必取掩迫太乙時軍可發若賊近則兵伏於要害之地也

太乙福應卷之四終

太乙福應經卷之五

君基太乙第五十五

君基太乙者人君之象也故主事之邦能守其疆終為侯王不能守其疆被甲飛揚謂君基所臨之邦其君宜脩德上符天道下合民心教化果平民登福壽兵強將勇遠近歸服若君妄興徭役竊亂干戈曲施厚歛廣營宮室則水旱灾傷兵革疾疫災害並至一日君基所在之邦宜避羞猷珎以供聖躬人主宜服其地或幸其方以順天道則吉

置演紀上元甲寅至所求積年距今大宋景祐元年甲戌積四十二萬四千零四十算外上考往古每年減一算下驗將來每年加一算三基五福大遊積年同此君基大周三百六十去之不盡以三十約之所得為邦數不滿算外為入邦年命起午邦順行十二邦算外即



得君基所在之邦及入邦數年

古法命起戊邦臣等今演命起午邦者蓋以君基人君之象聖人南面垂拱而治天下改命起午邦順行十二次所貴符合聖人順天施化下民付群聖之義臣基同起午邦蓋取君臣相承翊贊王業相繼治衆民基起戊邦者以明黎庶下居不可與聖帝賢臣同道而行也唐玄宗開元二年甲寅君基入午邦洛京之分其地人民富庶五谷豐登終十年後聖駕躬祀后土汾陰壇側獲古鼎經十二年封東嶽卿雲隨日重輯封太山神為天齊聖帝其時東都米一斗七文天下官戶七百六十萬九千五百六十五戶經二十七年後天下無事海內雄富西都米不過二百文絹帛亦如之行者雖涉萬里不帶寸刃亦不資糧其太平如此至天寶三十年甲申君基方出

臣基太乙第五十六

臣基太乙者輔相之象也所臨之邦其人民可引為將相或備文武之任於王室有益也

置演紀上元甲寅至所求積年以臣基周法三百六十去之不盡又三十六除之餘以三約之算外即為入邦年數命起年邦順行算外即臣基所在之邦也及入年之數也

唐太宗貞觀十六年壬寅臣基在午洛京之分經十二年魏王泰上括地志五百卷顏師古註前漢書一百三十卷進上癸卯圖化二十四功臣於凌烟閣中甲辰上謂侍臣曰朕欲聞已過卿言無隱敬騎常侍洎曰臣見上古人不稱善者陛下皆引而加諸躬恐非開言路之意上曰卿言是也當以改之此蓋臣基所在聖君賢臣同德之應也

民基太乙第五十七

民基太乙者庶民之象也所在之邦其民富庶五谷豐稔無兵革疾疫之災

置演紀上元甲寅至所求積年以三百六十去之不盡又十二去之餘命起戌和順行算外即民基所在之邦也

唐太宗貞觀元年丁亥民基在秦分是歲正月乙酉朔大赦天下改元宴群臣奏秦王破陣樂上曰朕昔受委專征民間聞有此曲雖非文德之雍熙而功業所由故備於樂章不可忘本也封德彝曰神武平海內之德文德豈能比乎上曰戡亂以武守成以文文武之道各隨其時公言文章不如韶畧斯言過矣德彝謝曰臣愚不足以知之此蓋民基所在之邦有德者應之

五福太乙第五十八

經曰五福太乙行宮者一曰黃秘宮在西北乾地二曰黃始宮在遼東艮地三曰黃室宮在東吳巽地四宮黃庭宮在西屬坤地五曰黃玄宮在京都之地豫州也置演紀上元甲寅五福太乙在黃秘宮滿四十五年入黃始宮順行周而後始其五福之地其君有福德其民留壽無兵革旱澇災疫之事演紀上元甲寅至所求積年以五福大周法二百二十五去之不盡以四十五去之為宮數不滿者入宮數以來年數其宮數命起乾艮巽坤中宮依決算外即得五福所在及入宮年數

唐高祖武德七年甲申太乙五福入中宮洛陽之分至丙戌年八月上傳位于太宗貞觀四年斷天下死罪二十九人戮致刑措戶不夜閑行旅不賫糧天下大治米一斗三文此蓋五福所臨之分民庶豐樂太平之應也

太遊太乙第五十九

經曰大遊太乙者巡遊于八方考治與小遊同一宮一考三十六年十二年治天十二年治地十二年治人考較人居之善惡二百八十八年一周而行其賞罰故太乙在陽宮遼東不見兵太乙在陰宮蜀漢可全身若在八三四九為陽宮則遼東之分無兵若在二七六一為陰宮西蜀之分可以安居也

置演紀上元甲寅至所求之積年以大遊元法四千三百二十去之不盡為入元以來數又以大遊小周法二百八十八去之不盡以太乙行宮率三十六除之不滿入宮以來年數其宮數命起七宮順行八宮不入中五算外即得大遊太乙所在之宮及年數也

小遊太乙第六十

置演紀上元甲子至所求積年景祐甲戌積一千一十五萬四千九

百五十算其周法二十四去之不盡以三除之為宮數不盡算外為入宮年其宮數命起一宮順行八宮不遊中五算外即得小遊太乙所在宮及年數也其小遊所在主事見在太乙歲計卷中小遊天目亦在歲計卷中

唐昭宗天祐元年甲子小遊入六宮雍州之分其年梁王朱全忠遣牙將寇彥卿奏請遷都洛陽又令長保促百官東行駢徒都市民號哭滿路宮室百司及民廬舍取其材浮渭沿河而下長安遂虛帝與文武號哭月餘不息以蓋小遊所在考治之地兵喪水旱流亡飢饉終失其地之應

大遊天目第六十一

大遊天目驚戒王者置演紀上元甲寅至所求積年以周紀法一百八十去之不盡以大遊天目行率十八除之所得神數命起武德大

武除武德陰德重留一算外即得大遊天目所在神也其餘不盡年數亦以算外命之即得所求年之算也

唐明宗長興元年太乙入七宮梁益之分東川董章叛西川孟知祥叛自後西川兵寇連年雖出師命將征討終不平至四年孟知祥為劍南東西兩川節度使封蜀王於是國家遂失西土蓋大遊宮蜀漢可全身也

四神太乙第六十二

在太乙南相近亦第六神主使十六神如所向有水旱兵革飢饉疾疫經曰四神太乙者即水神也主紀綱有道之代即昌無道之代即殃若臨無道之分寇賊橫起則水旱兵革飢饉疾疫流亡應之王在冬三月

置演紀上元甲子至所求積年以大周一百八十去之不盡以三十

六除之為紀數不滿外算為入紀年數也其紀數命起一紀算外即得四神太乙所在入紀年數故曰入紀法者即五子元甲子丙子庚子壬子是演紀年數以三除之為宮數不滿算外為入宮以來年數其宮數命起一宮順行九宮盡又以絳宮明堂玉堂三宮接之算外即得四神太乙所在之宮及年數也

唐哀帝天祐四年丁卯四神入六宮雍州分其年宋金忠纂立為梁王唐業至以而盡梁遷都于沛為東京以蓋四神太乙所在居不脩德則失其地也

天乙太乙第六十三

在紫微宮門右南天帝之神也主戰聞知人吉凶又名金神之位馭六宮逆金炁主兵革若累年兵革相接者天乙臨之即有勝負事有決斷主喪兵王在秋三月夫天乙入紀年者與四神同以三除之為



宮數不滿算外為宮以來年數其宮數命起六宮順行九宮盡又以  
峰宮明堂玉堂接之算外即得天乙所在之宮及年數也

唐高祖武德五年壬午天乙入玉堂幽州之分至七年甲申燕王  
高開道為其下將張金樹所殺以其地來降此天乙所臨兵革之  
應也

地乙太乙第六十四

經曰地乙者土神也掌地之主而浮載同行所守之宮主兵喪若臨  
無道之邦即五谷荒歉庶民流亡地震山崩虫生災異常居中五王  
在四季其入紀之法與四神同命起九宮順行又峰宮明堂玉堂接  
之算外即得地乙所在之宮及年數也

唐閔帝應順元年地乙在明堂蓋州之分次年孟知祥僭稱帝于  
益州建臺百官改元明德八月堯子昶嗣位以明地乙所在之地

兵喪應之

直符太乙第六十五

直符太乙者大神也乃天帝之使天遣觀察理道以稽萬民若臨無道之邦兵革水旱飢饉疾疫蝗虫災異王在夏三月其入紀年數與四神同以三除之為數不滿算外為入宮以來年數其宮數命起五宮順行九宮又以三宮接之算外得直符太乙所在之宮年數也宋太宗興國元年丙子直符太乙入九宮楊州之分是年吳越之王及妻男入覲皆楊州之分此明直符太乙所臨之邦其君歸于明主有德者昌應之

太乙福應經卷之五終

太乙福應經卷之五終

太乙福應經卷之六

太乙七術總序

太乙七術者昔玄女授之於黃帝既得之乃破蚩尤于涿鹿即此術也後范蠡得之佐越而平吳終成霸業泊乎嬴秦失馭炎漢方興張良用輔沛公西入關中則子嬰卿壁東臨垓下項羽摧鋒若得此書入相為帝王之師出將為元戎之畧或攻或守機不可踰其法有七故也

臨陣問道術第六十六

經曰臨陣問道者常以呂申加敵起之年視大神所臨之下是為破年又以呂申加破年大神下是為破月又以呂申加破月大神之下是為破日又以呂申加破日大神之下是為破時

彼軍起處為破時破月對冲不須疑前四破年後四日總逢四破細

思惟以敵起年破時對冲月前四破年後四破日立作四門以時加敵起年各到處便是破也

假令敵兵起甲子年便將天盤破時加子年到卯月到午日到酉時到子是卯年五月酉日子時破也便以呂申加甲子大神加卯月以呂申加卯則大神臨午知敵當在丁卯年五月酉日子時破之

又曰常以呂申加太乙大神落處為法式若尅大將將湏亡尅參將時將湏匿

獅子反擲第六十七

獅子反擲者常以呂申加敵起之年當視大神下視其破年若破在四維十八年合破若在三相難破如在休囚死墓者易破也

假令敵以甲戌年起兵便以呂申加戌火神臨丑屬艮在東北維

即知其敵在于辛年破

白雲捲空第六十八

白雲捲空者謂兩軍相當則課太乙悉宜主客便以呂申加大將宮視大神所臨之地若在休囚死墓之辰對陣交鋒攻守大敗若加臨官冠帶士卒戰善若加帝王不可觸犯也

假令兩軍相當太乙入一紀甲子元第一局其太乙在一宮武德為天目主算得七主大將七宮參將一宮始擊臨大武客算十三客大將三宮參將九宮先以呂申加主大將於七宮其大神臨一宮屬金大神屬火火剋金經曰我剋者為囚此名大神乘囚氣主大小將屬金俱敗次以呂申加客大將於三宮大神臨九宮屬木水生火曰生我者為相此名大神乘相氣客大小將皆勝

猛虎相拒第六十九

猛虎相拒者當視敵下營之日以呂申加太乙之宮視大神落處若臨王相之地其營不可攻臨囚死墓者之地其營不攻自破

假令敵以上元甲子第七局唐午日下營其日太乙在三宮便以呂申加三宮大神臨九宮不能生火經曰生我者相其名大神乘相氣其營不可攻

假令甲子元三十四局敵人丁酉日下營其日太乙在四宮便以呂申加四宮大神臨二宮大神逢火乘王氣尤不可攻

### 雷公入水第七十

雷公入水者常以呂申加太乙視大神所臨之下其宮若尅主大將主必死尅參將宮亦然若尅客大將客必死尅參將亦然不然則士卒奔逃背叛

假令以呂申加太乙於六宮大神則臨一宮屬金主大將八宮屬

水金生水而乘之相氣主先勝叅將四宮屬水水生木亦乘相氣  
次勝

經曰生我者為相主大將乘相氣客大將九宮屬水大神臨金金能  
尅木客當敗也

假令上元一紀甲子第十三局丙子日太乙在六宮大炁天目主  
算十八大將八宮叅將四宮始擊臨太陽客算十九客大將在九  
宮叅將七宮便以呂申加太乙六宮大神臨八宮屬水八宮亦屬  
水是王氣相乘主大將必大勝客大將九宮屬木受大神水生是  
客將乘相氣次勝故云主客相推一例言記在心中勿差惑

白龍得雲第七十一

白龍得雲者常以呂申加太乙宮視大神下主客大將王相宜出兵  
下營則吉若臨囚死休墓不可出兵下營則凶此和為順若彼大將



冠我大將宮出戰必死冠小將亦然

假令上元甲子元二十二局乙酉日太乙在九宮陰德為天目主  
算十六大將六宮和叅將八宮和始肇臨天道客算三十孤陽不  
和客大將三宮和叅將九宮囚以呂申加太乙於九宮大神臨大  
武屬土主大將六宮金受大神土生為相氣以名主大將乘相氣  
也利下營屯軍結陣次吉客大將三宮屬土與大神同類經曰同  
類為王以名客大將乘氣亦利下營出軍尤吉以日主客皆宜出  
兵下營俱吉

迴車無言第七十二

迴車無言者以呂申加敵初來日時太乙宮若大神臨彼軍初來日  
時乘王相下有伏兵當以備之若臨休囚死墓其敵自破若臨本軍  
王相亦自宜埋伏兵士

假令甲子元二十八局辛卯日太乙在二宮呂申為天目主算十四和主大將在四宮發參將在二宮囚始擊臨大炁客算車九和客大將在九宮內迫客參七宮外迫便以呂申加彼軍初來日時太乙在二宮大神臨大簇金客大將九宮屬木受尅於金經曰尅我者為死炁名客大將乘死氣彼軍則無伏兵必主自破無能而為也

經曰欲知諸將休王者以同類為王生我為相尅我為死我尅為囚我生為休是也

假令高叢屬木以呂申大炁同類為王大義地主為相武德大簇陰德為死和德太陽天道陰主為囚大神大武為休餘皆倣此

釋三才以占天地人第七十三

經曰三才者天地人也若算中無十者為無天則天有變象二曜虧

食五星失度彗孛飛流霜雹為害此謂算得一二三四五六七八九無十即無天之數也

唐昭宗景福二年癸丑太乙在壬子元二局太乙在一宮天目在酉主算單六無天其年春連陰四十日四月十七雲開彗星長丈餘起上台東行入太微垣掃入大角入天市垣三十七日漸長一傳後遇陰沉數日而滅此為無天數之驗也

經曰算得十一十二十三十四二十一二十二二十三二十四三十一三十二三十三三十四為無地之數也

唐太宗貞觀八年甲午太乙八一紀甲子元三十一局太乙在三宮大炁為天目主算三十三無地數主地有變其年隴石山崩大蛇累見長百餘步淮南大水遣使巡察乃無地之驗也

經曰算得一十二三十三十四為無人數人有災變口舌妖言人相

殘害疾疫兵革遷移流亡

唐哀帝天祐二年乙丑太乙入六紀壬子元十四局太乙在六宮大神為天目主算單十無人主人有變是年梁王朱全忠殺害唐相三省殆盡流血成川民庶飢饉連相殘殺死者不可勝數此為無人數之應也

釋長短以占緩急第七十四

經曰天目所臨長算宜緩短算宜急得十一單九已下為短少十一已上為長長多長多利深入短少宜淺入長為勝短為負

唐太宗貞觀四年庚寅太乙入一紀甲子元二十七局太乙在一宮和德為天目主算三十一始擊四宮客算二十八此局主算長利以深入其年李靖大破頡利可汗獲隋蕭石及隋楊攻道送歸京師

釋五音以占災變第七十五

經曰算得一為宮二為比宮宮有變占在君

唐高祖永淳二年癸未太乙入丙子元八局太乙在三宮陽德為天目主算得單一其十二月帝崩太子即位是為中宗也

經曰算得三為徵四為比徵徵有變占在宗廟

唐玄宗開元二十四年丙子元四十一局太乙在九宮主算十單四為比徵有變占在宗廟是年五月增太廟

為九室移中宗神主入廟

經曰算得五為羽六為比羽羽有變占在妃后僭位

唐高祖武德九年丙戌甲子元二十三局太乙在九宮主算十六為比羽其年唐太宗即位遣司空告于南郊大赦天下放宮女三千餘人以妃長孫氏為后

經曰算得七為商八為比商商有變占在子孫

唐高祖武德三年甲子元十七局太乙在七宮主算單七其年次子秦王平并州回封皇太孫八人為王

經曰算得九為角十為比角角有變占在人民

梁真明二年壬子元二十五局太乙在一宮主算二十九為角是年三月劉劼與晉王大戰于元城劉軍敗績人民疾病流亡死者不可勝數

### 釋孤單以占主客成敗第七十六

經曰一三七九為單陽二四六八為單陰一十三為孤陽二十四十為孤陰單陽并孤陽為重陽單陰并孤陰為重陰其單陰重陰不利為客單陽重陽不利為主

唐明宗光化三年庚申壬子元九局太乙在三宮主算單三為單

陽不利為主其年十一月劉季還王仲仙等立德王裕監國幽帝于東內問安

釋內外以占攻擊第七十七

經曰內外以占攻擊者天目前為內可以攻外後為外可以攻內天目外為孤內為虛欲舉百事算得外欲得外算臨九宮算得內欲得內算臨一宮陰德至太陽為內陰主至大炁為外

唐肅宗至德二年丁酉在戊子元十局太乙在四宮主算單一其年九月廣平王淑郭子儀用番漢兵二十萬收復西京斬賊六萬騎安祿山子慶緒走河北十一月車駕還京十二月太上皇自蜀還上至望賢驛以迎之以局呂申為天目在內地可以攻外應之

釋數多少以占勝負第七十八

經曰算有多少以知勝負者謂客以多算臨少算主敗客以少算臨

多算主勝

唐肅宗至德元年太乙在三宮主算車三客算十五坎局客以多算而勝主以少算不勝其年安祿山初僭號於東都稱大燕改元聖武張通儒為中令達奚珣為宰相關東河南皆陷常山太守顏杲卿死之算少敗亡之驗也

釋陰陽以占厄會第七十九

經曰太乙在陽宮算得奇為重陽厄在大太乙在陰宮算得偶為重陰厄在水主得主厄客得客厄

唐僖宗乾符二年丙申在庚子元五十七局太乙在三宮主算車十坎局太乙在陽宮算得奇為重陽厄在大主算得厄在主黃巢賊王仙芝陷曹州尋攻襄汝兵大齊舉民皆虜之聚眾三十萬又陷攻鄧州關東諸郡力不能禦應之



釋所主以占吉凶第八十

經曰筭有所主以明吉凶如筭得十為將軍五為更士一為卒無此計者凶若筭得十六已上將更士卒利備百事皆吉

唐玄宗天寶十年辛卯戊子元四局太乙在二宮主筭二十五杜塞無門客筭十七其年楊國忠遣劍南節度使鮮于仲通討南蠻王師敗績相繼二十萬衆盡無歸者次局蠻寇為客先動客筭得將更士卒備之應也

太乙福應經卷之七

十精太乙積年第八十一

置演紀上元甲子積今太宗景祐元年甲戌計一千一十五萬四千九百五十算

天皇太乙第八十二

經曰天皇太乙者在紫微垣中勾陳口中星讀曰天皇大帝東方神圖

天皇與太乙合在東方日暈大風在西方月暈有雲氣合在南方大昏合在北方陰昏

與天尊合大陰日月有變 與飛鳥合小陰雨

與天時合小陰 與五風合疾風起

與太乙數合有大風雨

置距所求積年以天皇小周法二十去之不盡者命起武德順行十六神至陰德和德大炁大武重留一算外即得天皇所在

地符太乙第八十三

經曰地符太乙者天節之使也星讚曰天節奉使專對無疑地符若與太乙合日暈大風在王相之地小雨小陰狂風卒起與天目合小陰疾風或日月有變

置距所求積年以地符小周法二十除之不盡者命起陰主順行十六神至地主高叢大威大簇重留一算外即得地符太乙所在

天時太乙第八十四

經曰天時太乙者雜星之使也星讚曰雞鳴伺曉審夜察時

天時若與太乙合于王相之地風雲卒起或陰雨

置距所求積年以天時小周法十二除之不盡命起呂申順行十二

辰算外即得天時所在

飛鳥太乙第八十五

經曰飛鳥太乙者七星之使也朱雀之体星讀曰飛鳥之神斗中之精

飛鳥與太乙合在王相之地主天星有變或大風

與天時合陰風

置所求積年以飛鳥小周法九除之不盡者命起一宮順行九宮算外即得飛鳥太乙所在

天尊太乙第八十六

經曰天尊太乙者黃星之長也星讀曰天尊一星威比聖公

天尊若與太乙合在王相之地大陰雨寒合在八宮日暈合在二宮大陰昏寒合在四宮日暈

與飛鳥合天溫小雨 與地符合有大陰雨大昏

與天目合天有陰雨

置所求積年以天尊小周法四除之不盡者命起八宮逆行四正宮  
算外即得天尊太乙所在

五行太乙第八十七

經曰五行太乙者五星之使也星讀曰其變猶響之與形聲也

五行與太乙合在王相之地暴風大寒雲氣昏暗或有風雨

與天目合有大風日月有變 與八風合小陰風雨

與五風合小陰日月有變 與地符合風留小陰

與天尊合日月變色小陰 與天時合大陰風雲起

置所求積年以小周法五除之不盡者命起一宮次入三九七算外  
即得五行太乙所在

八風太乙第八十八

經曰八風太乙者畢星之使也星讚曰畢有八星故有八風

八風與太乙合在王相之地雲起小雨

與五風合主大風 與天時合陰節日月有變

與地符合陰雨 與天尊合有陰疾風日月變

與太乙合陰宮有雨陽宮有風

置所求積年以八風小周法九除之不盡者命起二宮順行九宮算外即得八風太乙所在

五風太乙第八十九

經曰五風太乙者箕星之使也星讚曰箕有五星故曰五風

五風與太乙合在王相之地日月有變連陰不見天日暴風疾雨並作

與天尊合小陰日月有變 與蜚鳥合疾風起

與地符合大風雨

與天時合大風

與天目合大陰小風日月有變

置所求積年以五風小周法九除之不盡者命起一宮次三五七九  
二四六八算外即五風太乙所在

三風太乙第九十

經曰三風太乙者心宿之使也星謂曰心有三星故曰三風

三風與太乙合在王相之地日月無光寒雲四起

與天時合小陰風

與飛鳥合有疾風陰雲日月有變

與天尊合小陰風

與地符合小陰

與五風合日月有變小陰

與天皇合天溫小陰風日月變

與天目合密陰有風雨

置所求積年以三風小周法九除之不盡者命起三宮次七二六一五九四八算外即得三風太乙所在

太乙數第九十一

經曰太乙數者五子元七十二局之數也

與太乙合日暈有大風 與太乙相冲日暈風起

若數得三十日暈大風數得四十有陰雨黃霧得五十與天目合在王相之地日暈

數與太乙挾天目陰雨日暈 數與天地併日暈天十地五

與計目合日暈 與天地相當大風

與太乙飛鳥合疾風

置所求積年以太乙局法七十二除之不盡者命起一數算外即得太乙之數所在



古者諸賢所論十精太乙歲月日時各為篇目推而求之惟德等  
今削去其繁蕪撮其樞要演紀尋元推步曆數並上元甲子月日  
時之積同法求之惟陰逾十精以陽逾所冲即各得陰逾所在

推候十精太乙雲氣第九十二

常以太乙初移宮之日視日出日午日脯候日傍風雲之氣餘二日  
不候也及時計初移宮餘二時亦不占當候日之上下左右若雲氣  
色青日時計得三四則變發在寅卯時若雲氣色赤日時計得九二  
則變發在巳午時若雲氣色白日時計得七六則變發在申酉時若  
雲氣色黑日時計得八一則變發在亥子時

經曰地符天尊天時五行八風五風三風與太乙合在陽宮則為晴  
為旱合在陰宮則為陰為雨合陽者陽位合陰者陰位天皇與太乙  
合在陽宮則日暈晝旗合在陰宮則月暈夜昏飛鳥與太乙合則風

從其下來天氣純厚則雨天氣華薄則風天氣黃霧則日暈天氣黑  
赤則風天氣青白則寒天氣凝潤則霧雨也雲氣如掃晴雲色文彩  
輪菌蕭索則天大晴若大旱則常以陽占之若天雨則常以陰占之  
若得王相則其變疾而速也

推太乙陽九之災第九十三

經曰太乙有陽九之災陽九者四百五十六年為一陽九四千五百  
六十年為一元而有災

置演紀上元甲寅至太宗景祐元年甲戌積四十二萬四千四十上  
考往古每年減一算下驗將來每年添一算以陽九大限元數四千  
五百六十除之不盡者入以小限元數四百五十六除之為一陽九  
之數不滿算外即為陽九年數以算外命之

推太乙有百六之厄第九十四

經曰太乙有百六之厄百六者四千三百二十年為之一元以二百八十八年為一百六周而復始若入元之始及元數之終其厄尤甚置演紀上元甲寅距所求積年與陽九之數同以百六大限元數四千三百二十去之不盡者以小限元數二百八十八去之為一百六之數不滿算外即為百六年數亦以算外命之

太乙福應經卷之七終

太乙耦應經卷之八

十二分野第九十五

昔者元始無象太素流形對越在天以爲元紀傳紀所載冬穴夏巢  
未有宮室茹毛飲血未有絲麻及燧人鑽火庖犧氏出震風未夏武  
延祚昌基畫野無闕其規一揆黃帝則東河南江登空躡岱至於崑  
峯振鸞墀風竊山訪道存諸簡冊不可厚誣高陽任地依神帝嚳順  
天行義東踰蟠木西至流沙北至幽陵南撫交趾日月所照舟車所  
至莫非王臣不踰茲域帝堯時禹平水土以爲九州虞舜登庸厥功  
彌盛表提額而分區字判山河而考疆域冀北創并都之名益齊起  
幽宮之考則書所謂肇十有二州卦十有二山者也夏功佐于唐堯  
殷亦無所損益周武克商自豈徂曷至相成王時改作禹貢梁徐于  
入青雍冀野折於幽并臚方掌天下之正以別厥州保章辨九州之

野皆有星分焉

一宮冀州

冀州按禹貢周禮并為河內之地舜置十二牧則其一也春秋元命苞曰鼎畢散為冀州分為趙國其地有險有易帝王所都亂則冀安弱則冀強荒則冀盡州南北闊大分衛以西為并州燕以北為幽州周人因焉

冀州	興州	相州	衛州	懷州	澤州	潞州	并州
晉州	並州	汾州	石州	代州	忻州	絳州	邢州
蔚州	趙州	定州	鎮州	瀛州	幽州	易州	平州
檀州	營州	涿州	蒲州	朔州	雲州		

二宮荊州

荊州按禹貢為衡陽之地舜置十二牧則其一也周禮曰正南曰荊

州春秋元命苞曰軫星散為荊州荊強也言其氣燥強亦曰驚也言  
蠻數為寇逆其人有道後服無道先強常警備也又取名為荊山六  
國時為楚

荊州 峽州 郢州 辰州 潯州 施州 襄州 邵州

隨州 安州 黃州 申州 鵠州 岳州 蘄州 衡州

柳州 永州 連州 沔州

### 三宮青州

青州按禹貢為海岱之地舜置十二牧則其一也以青州越海又分  
為營州則遼東本為青州矣周禮曰正東曰青州蓋土居少陽其色  
青故曰青州春秋元命苞曰虛危流為青州

青州 永州 連州 沔州 齊州 密州

### 四宮徐州

徐州者按禹貢為海岱及淮之地春秋元命苞曰沱水沱水流為徐州蓋取舒緩之義或云因徐丘以立名

徐州 沂州 泗州 楚州

### 五宮豫州

豫州按禹貢為荊州之地舜置十二牧則其一也周禮曰河南曰豫豫者舒也稟中和之氣春秋曰鈞鈴星為豫州之地界自華山東至于淮海南界荊州秦并天下以為州焉

豫州 洛州 鄭州在河南 亳州 濠州 汝州 汴州  
陳州 潁州 商州 虢州 鄧州

### 六宮雍州

雍州按禹貢為黑水西河之地舜置十二牧則其一也有口山拱固改以雍名雍水為西北之地位陽所不及陰氣壅閉也周賜襄公為秦地

累世都之

雍州	華州	同州	岐州	涇州	邠州	鄜州	綏州
銀州	延州	丹州	慶州	原州	靈州	涇州	伊州
會州	夏州	盛州	勝州	鄆州	秦州	渭州	蘭州
河州	廓州	鄜州	涼州	甘州	肅州		

七宮梁州

梁州按禹貢為華陽黑水之地舜置十二牧則其一也言西方金剛之氣強梁故為名焉秦始皇三十六分益州入梁於漢中也

益州	金州	房州	巴州	渠州	成州	鳳州	興州
利州	蜀州	劍州	綿州	梓州	遂州	嘉州	涪州
渝州	夔州	功州	眉州	資州	瀘州	戎州	梓州
黔州	果州	梁州	洮州	疊州	洮州	宕州	武州



扶州 龍州 宮州 雋州

八宮兗州

兗州按禹貢為濟河之地舜置十二牧則其一也周禮曰河中春秋元命曰五星流為兗州端也信也河陽奉符梁山淮陰

兗州 渾州 濟州 滄州 德州 渭州

九宮揚州

揚州按禹貢為淮海之地舜置十二牧則其一也周禮曰東南揚州春秋元苞曰葦中流為揚州分為越國以為江南之氣躁勁厥維輕揚又曰州界多水波揚之地古則荒蕪之國戰國時為楚分秦始皇併天下置都會稽江漢以南曰淮南即封英布為淮南王

揚州 濠州 蘄州 廬州 錫州 和州 徽州 宣州  
常州 蘇州 越州 杭州 歙州 婺州 處州 陸州

饒州 撫州 吉州 虔州 袁州 洪州 循州 潮州  
韶州 端州 瑞州 梧州 廣州 崖州 郇州 桂州  
雷州 鬱州 交州 勝州 震州 廣州 隴州 受州  
澄州 壽州

三宮峰州

峰宮交州按禹貢揚州之域是南越之地舜置十二牧則其一也秦  
始皇畧定揚越以調戍卒而守五嶺攻戰畧取陸梁地遼定南越為  
桂林南海象等三郡

合浦 交趾 新昌 武寧 九真 九德 南海 象林

明堂益州按禹貢為梁州之域舜置十二牧則其一也周合梁為雍  
州之地春秋元命苞曰參代流為益州益之為言阨也其地險峻亦  
曰疆壤益大故以名焉秦始皇三十六郡之名改名成都為汶山

漢嘉 江陽 朱提 越嶲 牂牁

王堂幽州按禹貢為冀州之域舜置十二牧則其一也周禮曰東北  
幽州春秋元命苞曰箕星散為幽州分為燕國言北方太陰故以幽  
冥為號武王封召公于燕秦滅燕以為漁陽上谷漢高祖分上谷置  
涿郡武帝置十三州又名幽州

范州 燕州 北平 廣寧 代郡 遼東

太乙福應經卷之九

釋敵國動靜第九十六

經曰欲知敵國動靜者常用時計以決之若客算得五柱塞無門將發無掩迫關囚格對則來主客俱會於太乙前此則所關皆吉凡敵來降者不為寇也若占北方人天目數轉而南者來數若轉北不來假令陰遁五十二局乙卯時太乙在八宮陰德為天目已為計神始擊臨大簇客算準七客大將七宮叅將一宮五將發陰陽和主客俱會北方又數轉北方如坎則敵來降而不為盜也

釋敵信虛實第九十七

經曰欲知敵信虛實者當視太乙所制以時決之若太乙能制客目大將則敵使言實可信若客目尅太乙宮客言虛不可信也

假令陽遁二十五局戊子占其時太乙在一宮地主為天目寅為

計神始擊臨大義客算三十四客大將四宮參將二宮以局太乙  
屬金客大將屬木受制敵使言實可信

釋敵國有無間謀第九十八

經曰欲知敵國有無間諜者當時計天目以決之

假令太乙在一宮大簇為天目其大簇至大義為前却從大簇七  
二九宮石為前內從大義至八三四行去為左為後外若天目臨  
陰主為敵人入我境宜細察之

假令陽遁二局乙丑時太乙在一宮大簇為天目丑為計神始擊  
臨陰主客算單一大將在一宮以局二目與大將俱會於太乙前  
內如此敵之將卒併入我境宜設備以防之

釋敵果方向第九十九

經曰塵埃起烽火舉射敵將兵有無從何方者若得陽為有賊若得

陰無賊也陽奇陰偶之數九數得十六已上陰陽和其賊則來有將數多人衆若得十五已上賊少無將無卒天目臨左賊從東來臨右賊從西方來算得五杜塞無門賊不來矣

假令陽遁八局辛未時占太乙在三宮為陽奇之宮主有賊陽德為天目未為計神始擊臨大武客算二十二陰陽和其賊必來有將有卒則衆多矣客曰右從西方來

### 釋太乙出兵第一百

經曰太乙出兵者取太乙所在算數而決之若太乙算得一出軍步兵在前車騎次之大將居中行無鼓譟畧地宜居一祀西方以牛脯一胸酒二盞皂綃帛為席大將西方向中再拜咒曰一宮太乙萬神護吾三軍令敵莫敢來者

太乙算得二出軍步兵在前車騎次之大將居中出門無鼓譟宜居

二祀於正南牛脯一朶酒二盞以黃絹為席大將正南向再拜咒曰  
二宮太乙萬神護吾三軍令敵自驚

太乙算得三出軍步卒在前車騎次之大將居中出門無鼓譟畧宜  
居三祀於東北以牛脯一朶酒二盞青絹為席東北向再拜咒曰三  
宮太乙萬神護吾三軍令敵自敵

太乙算得四出軍步卒在前車騎次之大將居中出門無鼓譟畧宜  
居四祀於東方牛脯一朶酒二盞綠絹為席大將東向再拜咒曰四  
宮太乙萬神護吾三軍令敵莫能舉動

太乙算得五杜塞無門不可舉事

太乙算得六出軍車騎在前步卒次之大將居中鼓譟疾行宜居六  
祀於正西牛脯一朶酒二盞白練繒為席大將西向再拜咒曰六宮  
太乙萬神護吾三軍勿令衆傷

太乙算得七出軍車騎在外前次卒火之大將居中鉞譟疾行宜居  
七祀於西南牛脯一朐酒二盞白繒為席大將西向南再拜咒曰七  
宮太乙萬神護吾三軍令敵自伏

太乙算得八出軍車騎在前步卒火之大將居中鉞譟疾行宜居  
祀於正北牛脯一朐酒二盞皂繒為席大將北向再拜咒曰八宮太  
乙萬神護吾三軍令敵自潰

太乙算得九出軍宜登高將軍居高地車騎在前步卒火之出門宜  
鉞譟急行宜居九祀於東南牛脯一朐酒二盞赤繒為席大將向東  
南再拜咒曰九宮太乙萬神護吾三軍令敵莫當

釋始擊臨二十八宿第一百一

經曰始擊將者災域之精隨歲計之所遷加臨二十八舍於歲中各  
有所主之事



東方七舍臨角大人有憂兵出臨亢民有災疫臨氏内外有叛臣  
宮內憂火災臨尾右宮有憂災患臨箕兵起士卒流亡

北方七舍臨斗失爵祿關梁閉塞臨牛谷貴民飢六畜多死臨女  
右妃有災疾臨虛諸侯有更令或有赦宥臨危歲多疾病士兵起  
臨室大人匿謀歲不收臨壁主文章典兵廢

西方七舍臨奎主有下臣為孽臨婁山下有寇盜道路不通臨胃  
五谷不登有兵臨昂胡人有疾無趙有兵臨畢有違兵刑罰用臨  
晉將叛牛馬急死臨參宮殿移動將有憂

南方七舍臨井主有川溢有小兵動臨鬼右妃失勢民多疾病臨  
柳飢荒流亡臨星憂火災臨張禮義交易臨姤陰陽失序多雨水  
臨軫有災喪

釋太乙上下二目與太陰相併第四首二十一

經曰太乙文昌始擊與太陰併者隣國有進婉淑之女也

假令太乙在一宮太陰在戌亥是也若文昌將與太陰併憂上將與女主挾謀若始擊將與太陰併主上將與妃懷謀被制者尤甚

釋太乙與太歲格第一百三

經曰太歲格太乙者主有崩亡兵役之事太乙在三宮太歲在未申當有掃星出東北助太歲西南之國先敗東北之國後敗若掃出西南反之皆主流亡疾疫此對易氣太乙在四宮太歲在酉當有太白出西方助太歲東國先敗西國後敗若彗星出東方反此皆主流亡兵革疾病此對絕氣太乙在八宮太歲在午當有熒熒出南方助太歲北國前敗南國後敗若辰星出北方反之主兵革喪亡太乙在九宮太歲在戌亥當有彗星出西方助太歲東南之國前敗若彗星出東南反之主兵革疾疫三八四九之宮格干未申酉戌亥歲而言之

者與焉六年皆有救氣若有妖言星等見其方凶君王宜修以禳之

太乙福應經卷之九終

太乙福應經卷之十

占天子巡狩第一百四十四

經曰欲知天子巡狩之年當視天目所在四維之歲則為天子巡狩之期不則遣使按行風俗欲知出何方者以主目所臨之地對冲是也出西行在大武出東行在和德出南行在大昊出北行在陰德出心鏡

假令天目在陰德出東行在和德出南行在大昊出西行在大武出北行

占郡國舉賢良第一百五十五

經曰欲知郡國舉薦賢良方正道義之士者則須歲計天地人具其郡國必然舉也又曰雖天地人具須是亥卯未三合之年則舉若歲計過十數已上為天地人具具則舉之若單九以下為不具也

太乙擇日第一百六

經曰擇日之法有二太陰九地曰利客太陰九天曰利主蓋非太乙元經之義臣惟德等刪而不取但以日計太乙局法看太乙在何元紀宮分以定上下二目為主客之計若算得三門具五將發陰陽和上下無掩迫關擊者利兵出外興造經營百事吉反此為不利

太乙擇日第一百七

王希明曰擇時之法自古人君世子冢宰諸王后妃臣民人等各設算數而用之臣然詳此言屬乎膠柱非通儒之論皆刪去不錄今擇時但取時計門具將發陰陽相和無掩迫關囚等項則為吉時用以征伐興造庶務並利若用此法擇時定以用事庶幾大人之際理通而義明也

占歲中災發第一百八

經曰以歲合神編加月建若天目掩天乙即其月有災

假令上元甲子歲天目起陰德若太乙在一宮二月三月為掩八月九月為格若州郡居長運數厄會遇之者宜預防之

占歲城名厄會第一百九十九

經曰欲知州郡厄會者常以呂申加歲城名太陽所臨之城其州當有兵徭之厄陰主臨卯其州卯年主有災殃之厄李淳風曰先以呂申加歲城名之干次以呂申加歲城名之支併而推之

假令荊州干屬丁未便以呂申加丁未則太陽臨辛陰主臨乙次以呂申加未則太陽臨酉陰主臨卯辛卯辛酉二年有兵徭乙卯乙酉年有疾疫也

假令荊州屬丁未其太陽臨酉酉年其州有兵徭之厄陰主臨卯卯年有疾疫之厄是也

飛行四殺第一百二十

經曰若攻其城城名與飛行四殺併者必有屠城之應當以陰主加城名地主下為災殺又以合神加城名災殺之下為鬼殺月殺天敗

殺日政者孟月酉仲月陰主下為天吏又曰常以陰主加歲月日時地

主下為災殺又以歲月日時合神加陰主災殺下為鬼殺月殺下為天敗陰殺下為天吏陰殺者正月之位起寅逆行六陽辰是也又曰正月起亥逆行六陰之位

占九城名三宮附第三書三十一

冀州丁丑 荊州丁未 青州癸酉 徐州甲辰 豫州乙巳

應州甲辰 梁州戊辰 兗州乙未 揚州癸丑 壽州壬申

益州辛丑 幽州癸卯

甲齊 乙東夷 丙楚 丁南 戊魏 己韓鄭 庚秦 辛西夷

壬燕 癸北夷

子周 丑韓 寅楚 卯鄭 辰晉 巳吳 午秦 未宋 申齊

酉魯 戌趙 亥燕

占見聞虛實第二占二十二

經曰聞事以時計占之若天目掩迫太乙聞不善事則實善事則虛門具將發聞吉則吉聞凶不凶若四郭杜園聞吉不吉凶則凶經曰重陽則重吉重陰則重凶皆以重陰陽併數而決之

占望遠人并賊來否第一百二十三

經曰主數在南方客數亦在南方以為客得主人之數不來一法曰主望北方人客得北方算不來得南方算則來或掩迫關囚格者未發又法望北方人算得三八不來二七則來望東方人得四九不來得一六則來望西方人得六一不來得四九則來望南方人得二七



不來得三八則來各以其數而論之算得一則一日至遲則十日至  
數得二則二日至數得三則三日至餘做此至於數盡則行人立至  
矣

占繫囚第一百二十四

經曰天目掩迎太乙或主人在外或客立王神皆尅吉宜對吏出獄  
易解一曰主人在內主立王神皆出不可入獄對吏一曰太乙初移  
官日入獄必遲滯難解太乙與主人同官天目臨之日入獄易出見  
貴能解憂患若數十次以上亦解

占訪人請謁求索第一百二十五

經曰算得天目在內者吉可以請謁見貴求財皆得天目在外者反  
其天目前為內後為外算得外為孤內為虛一曰主人挾客不可求  
謁反此皆得主人在內得在外不得一曰算得天目在內者訪人在

求索皆得利見大人算得天目在外者訪人不見所求不遂一曰天目格太乙見貴訪謁詞訟上下格之一曰主人立王神不可詰謁見貴一曰春夏得六數秋冬得四數皆可用也

占捕捉叛亡第一百二十六

經曰追捕叛亡者當用時計以決之若客格主人或下目在內或太乙與主同宮或天目亦臨之或天目在內皆為捕得天目以前為內後為外一曰主天目算得在外皆不得又曰客目太乙在二宮得而更失一曰欲搜微捕捉須知彼人藏匿之處當得太乙臨之又帶掩迫往必擒之所捕之地王相勿往往則被辱敗也

占雜事第一百二十七

經曰天目格太乙征伐興兵餘者可百事皆敗天目迫太乙者見物留當客挾主人或得度一作廢並凶一曰門具將發陰陽和合百事

晉通反以不言矣

法曰凡占萬物當以太乙立休囚王相決之

若太乙立王神主新事立相神言相爭之事

立胎神主生產事 立沒神主沒溺之事

立囚神主刑禁事 立死神主死喪之事

立休神主有疾病事 立廢神主改易革變事

王相胎沒死囚休廢 王相胎沒死囚休廢

立春 八三四九二七六一 春分 三四九二七六一八

立夏 四九二七六一八三 夏至 九二七六一八三四

立秋 二七六一八三四九 秋分 七六一八三四九二

立冬 六一八三四九二七 冬至 一八三四九二七六

福應經終